

# Sakspapir

| Saksbehandlar | Arkiv    | ArkivsakID |
|---------------|----------|------------|
| Anny Bastesen | FA - M42 | 17/2799    |

| Saksnr   | Utvalg        | Type | Dato       |
|----------|---------------|------|------------|
| 137/2017 | Formannskapet | PS   | 29.11.2017 |
|          | Kommunestyret | PS   |            |

## Slamgebyr 2018

### Vedlegg:

NGIR - vedtak i representantskapsmøte, slamgebyr

### Saksopplysningar:

#### Bakgrunn

Slamtømmeordninga blir utført av NGIR medan kommunane krev inn gebyret. Styret i NGIR gjorde i møte 24.10.2017 vedtak om å rå til at slamgebyret vert uendra frå 2017 til 2018.

Representantskapet vedtok satsane samrøystes i møte 13.11.2017.

Gebyrnivået var uendra også frå 2010 til 2015, for så å auke i 2016. Deretter kom ein mindre nedgang i 2017. I økonomiplanen for NGIR for perioden 2017 – 2020 går det fram at slamgebyret igjen kan haldast stabilt fram til 2021. Evt. underskot på drifta blir finansiert av utjamningsfondet. Ved utgangen av 2018 er det venta at det står kr 3,1 mill på fondet.

På denne bakgrunnen rår Representantskapet i NGIR til at gebyr for septikslam for privatpersonar blir halde uendra på kr 792,- i 2017. Hytter/fritidseigedomar betaler halvt gebyr. Slamavskiljarar for bustader blir tømt kvart 2. år medan slamavskiljarar for hytter blir tømt kvart 4. år.

For at slamordninga skal vere sjølvfinansiert, må slamgebyret også dekke dei administrative kostnadene som Meland har med innkreving av gebyret. Tidlegare fond (for mykje innbetalte avgifter) er bygd ned gjennom lågare gebyrsatsar i perioden 2013 – 2016. Ved inngangen til 2017 stod det att kr 14 573,- på fondet. Dette vil bli brukt for å dekke dei administrative kostnadene i 2017.

Talet på abonnentar vil truleg enten halde seg stabilt eller gå ned. I budsjettframlegget legg rådmannen til grunn at nivået er stabilt. I 2017 er det gjort eit større arbeid med slamtømming og rådmannen reknar med at kostnadene til NGIR blir lågare i 2018. Det medfører at gebyret bør kunna haldast i ro, og likevel dekke både dei administrative kostnadene i Meland og NGIR sine utgifter.

|                                  | 2013      | 2014      | 2015      | 2016      | 2017      | Budsj<br>2018 |
|----------------------------------|-----------|-----------|-----------|-----------|-----------|---------------|
| <b>Tal bustadeigedomar</b>       | 978       | 975       | 961       | 957       | 954       | 954           |
| <b>Endring frå året før</b>      | -3        | -3        | -14       | -4        | -3        | 0             |
| <b>Tal fritidseigedomar</b>      | 190       | 200       | 198       | 205       | 210       | 210           |
| <b>Endring frå året før</b>      | +10       | +10       | -2        | +7        | +5        | 0             |
| <b>Overføring til NGIR</b>       | 800 971,- | 799 069,- | 803 398,- | 894 514,- | 839 520,- | 827 000,-     |
| <b>Adm.kostn. Meland</b>         | 43 000,-  | 23 000,-  | 24 260,-  | 4 983,-   | 13 086,-  | 13 000,-      |
| <b>Innbetalte avgifter i alt</b> | 794 861,- | 699 256,- | 534 556,- | 818 443,- | 838 033,- | 840 000,-     |
| <b>Gebyr pr bustadeigedom</b>    | 750,-     | 650,-     | 500,-     | 775,-     | 792,-     | 792,-         |
| <b>Gebyr pr fritidseigedom</b>   | 375,-     | 325,-     | 250,-     | 387,-     | 396,-     | 396,-         |

### Vurdering

Rådmannen rår til at slamgebyret følgjer tilrådinga frå NGIR framover. Utgifter og inntekter er basert på anslag medan den faktiske aktiviteten til slutt avgjer utgifts- og inntektsnivået. Dersom kommunen sit igjen med eit overskot, vil det bli ført på fond og ført tilbake til innbyggjarane komande år.

Radøy og Lindås har høgare satsar. Dersom Meland skal legge seg på same nivå, må avgifta aukast til om lag 1000,- kr eks mva. Dei administrative kostnadene vil i så fall få betre dekningsgrad enn det har vore tradisjon for dei siste åra.

Folkehelse: Ikkje relevant for denne saka

Miljø: Slammtømmeordninga for hytter og hushald skal motverke ureining av sjø og grunn i område der det ikkje er kommunale avlaupsanlegg.

Økonomi: Budsjettet er sett opp ut frå at området skal gå i balanse.

### Konklusjon

Rådmanne rår til at kommunestyret gjer vedtak om gebyrsatsar slik NGIR ber om og i tråd med Representantskapet sitt tilråding.

### Framlegg til vedtak:

«Kommunestyret godkjenner at slamgebyret for 2018 vert fastsett i tråd med satsande som NGIR rår til og som Representantskapet har gjort vedtak om i møte 13.11.2017. Vedtaket er fatta med heimel i Lov om vern mot forurensninger og om avfall (forurensningsloven) § 34.»

## **Formannskapet - 137/2017**

### **FS - behandling:**

#### **FS – samrøystes framlegg til vedtak:**

«Kommunestyret godkjenner at slamgebyret for 2018 vert fastsett i tråd med satsande som NGIR rår til og som Representantskapet har gjort vedtak om i møte 13.11.2017. Vedtaket er fatta med heimel i Lov om vern mot forurensninger og om avfall (forurensningsloven) § 34.»